

# Službene novine Federacije BiH, broj 25/04

Na osnovu člana 62. stav 5. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva donosi

## PRAVILNIK

### O IZMJENAMA I DOPUNAMA PRAVILNIKA O USLOVIMA ZA UVOZ SJEMENA ZA VJEŠTAČKO OSJEMENJIVANJE ŽIVOTINJA I OPLOĐENIH JAJNIH ĆELIJA I NJIHOVOJ UPOTREBI U STOČARSTVU

#### Član 1.

U Pravilniku o uslovima za uvoz sjemena za vještačko osjemenjivanje životinja i oplodjenih jajnih ćelija i njihovoj upotrebi u stočarstvu ("Službene novine Federacije BiH", broj 4/01) u članu 12. stav 2. briše se.

#### Član 2.

U članu 14. riječi: "odnosno krajnji korisnik" brišu se.

#### Član 3.

Iza člana 17. dodaju se novi čl. 17a. i 17b. koji glase:

#### "Član 17a.

Uvoznik, odnosno distributer sjemena za vještačko osjemenjivanje životinja i oplodjenih jajnih ćelija mora ispunjavati slijedeće uslove:

- a) da u radnom odnosu ima najmanje jednog zaposlenog doktora veterinarske medicine, pod čijim će se nadzorom vršiti manipulacija sa sjemenom za vještačko osjemenjivanje životinja i oplodjenim jajnim ćelijama;
- b) da objekat posjeduje prostoriju za karantin pošiljki iz uvoza u skladu sa Pravilnikom o uslovima karantina za uvezene životinje ("Službene novine Federacije BiH", broj 48/99);
- c) da posjeduje prostoriju za skladištenje sjemena za vještačko osjemenjivanje životinja i oplodjenih jajnih ćelija, koja je funkcionalno povezana sa prostorijom sa sanitarnim čvorom;
- d) da u objektu posjeduje uvijek dovoljnu rezervnu količinu tečnog azota, nezavisno o prisutnoj količini sjemena za vještačko osjemenjivanje životinja i oplodjenih jajnih ćelija, najmanje u količini od 100 litara;
- e) da u objektu posjeduje odgovarajuću opremu, odnosno mikroskop i prateću opremu za utvrđivanje

pokretljivosti spermija, pincete, kompjuter i drugu neophodnu opremu za manipulaciju sa sjemenom za vještačko osjemenjivanje i oplodene jajne ćelije;

f) da imaju sredstva za održavanje opće i lične higijene (sredstva za dezinfekciju) i sredstva za pružanje prve pomoći i uklanjanje otrova (dekontaminacija).

Odredbe iz tačke b) ovog člana odnose se samo na uvoznike sjemena za vještačko osjemenjivanje životinja i oplodjenih jajnih ćelija.

Prostorije iz stava 1. ovog člana moraju biti izgrađene tako da su građevinsko-tehnički prikladne za lako čišćenje i dezinfekciju, te sigurnu manipulaciju sa materijalom.

#### **Član 17b.**

Pravna lica iz člana 17a. ovog pravilnika mogu vršiti djelatnosti uvoza i distribucije sjemena za vještačko osjemenjivanje životinja i oplodjenih jajnih ćelija samo uz odobrenje Federalnog ministarstva poljoprivrede, vodoprivrede i šumarstva."

#### **Član 4.**

U članu 18. riječ "Podnosioc", zamjenjuje se riječima: "Uvoznik odnosno podnosioc".

#### **Član 5.**

Član 19. mijenja se i glasi:

"Uvoznik, odnosno distributer dužan je voditi evidenciju uvezenih i distribuiranih pošiljki, na slijedeći način:

1) za uvezene pošiljke:

- naziv proizvođača i zemlja porijekla;
- broj doza,
- pasmina,
- laboratorijski nalaz ovlaštenog laboratorija (pozitivan oznakom "+", a negativan oznakom "-");

2) za distribuirane pošiljke:

- naziv kupca i adresa;
- broj doza,
- pasmina,
- pojedinačna cijena doze."

## **Član 6.**

Poglavlje "**Prijelazne i završne odredbe**" briše se.

## **Član 7.**

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

Broj 03-24-101-1/04  
aprila 2004. godine  
Sarajevo

Ministar  
**Marinko Božić**, s. r.